

গণপ্রজাতন্ত্রী বাংলাদেশ সরকার
তথ্য মন্ত্রণালয়
বেতার-২ শাখা
বাংলাদেশ সচিবালয়, ঢাকা
www.moi.gov.bd


নং-১৫.০০.০০০০.০২২.৩৪.০২২.১৩. ৩৯৯

তারিখঃ ১০ পৌষ ১৪২৪
২৪ ডিসেম্বর ২০১৭

বিষয় : কমিউনিটি রেডিও স্থাপন, সম্প্রচার ও পরিচালনা নীতিমালা ২০১৭ এর উপর সর্বসাধারণের মতামত।

কমিউনিটি রেডিও স্থাপন, সম্প্রচার ও পরিচালনা নীতিমালা-২০১৭ এর বিষয়ে সর্বসাধারণের মতামতের জন্য তথ্য মন্ত্রণালয়ের ওয়েবসাইটে (www.moi.gov.bd) প্রকাশ করা হলো। প্রস্তাবিত নীতিমালার উপর মতামত (যদি থাকে) ওয়েব সাইটে প্রকাশের তারিখ হতে ৭ (সাত) দিনের মধ্যে (৩১-১২-২০১৭ খ্রিঃ পর্যন্ত) নিম্নস্বাক্ষরকারী বরাবর লিখিত/ই-মেইলের মাধ্যমে (নিকস ফন্টে) প্রেরণের জন্য সর্বসাধারণকে নির্দেশক্রমে অনুরোধ করা হলো।

ই-মেইল এর ঠিকানা : sas.betar2@moi.gov.bd


(মোঃ মজিবুর রহমান)
উপসচিব
☎ ৯৫৪৫৮৬৮

E-mail : sas.betar2@moi.gov.bd

সংযুক্তি : কমিউনিটি রেডিও স্থাপন, সম্প্রচার ও পরিচালনা নীতিমালা-২০১৭

সিস্টেম এনালিস্ট
তথ্য মন্ত্রণালয়
বাংলাদেশ সচিবালয়, ঢাকা।

গণপ্রজাতন্ত্রী বাংলাদেশ সরকার
তথ্য মন্ত্রণালয়
বেতার-২ অধিশাখা
বাংলাদেশ সচিবালয়, ঢাকা।
www.moi.gov.bd

নং-১৫.০০.০০০০.০২২.৩৪.০২২.১৩.


৩৯৮

তারিখঃ ১০ পৌষ ১৪২৪
২৪ ডিসেম্বর ২০১৭

নির্দিষ্ট ভৌগোলিক অবস্থানে বসবাসকারী জনগোষ্ঠি, সমধর্মী কিছু লোকজ , আর্থ-সামাজিক ও সাংস্কৃতিক বৈশিষ্ট্যের অধিকারী। এ জনগোষ্ঠিকে তথ্য সেবা দানের মাধ্যমে জীবন বিকাশের সুযোগ তৈরী করে দেয়ার লক্ষ্যে তথ্য মন্ত্রণালয় কর্তৃক “কমিউনিটি রেডিও স্থাপন, সম্প্রচার ও পরিচালনা নীতিমালা ২০১৭” প্রণয়ন করা হয়েছে।

২। নীতিমালাটি জনস্বার্থে জারী করা হ'ল।

রাষ্ট্রপতির আদেশক্রমে


১২৪/১২/২০১৭

মোঃ মজিবুর রহমান
উপসচিব।

কমিউনিটি রেডিও স্থাপন, সম্প্রচার ও পরিচালনা নীতিমালা-২০১৭

যোগাযোগের মাধ্যম হিসেবে সহজলভ্যতা তাৎক্ষণিকতা ও সর্বত্রগামিতার নিরিখে বেতারের ভূমিকা অনস্বীকার্য। বিজ্ঞান ও তথ্য প্রযুক্তির অভূতপূর্ব বিকাশের পরও তাই এই মাধ্যমটির গুরুত্ব উন্নত, উন্নয়নশীল ও স্বল্পোন্নত কোনো দেশে হ্রাস পায়নি। এ কারণেই বাংলাদেশে ১৯৩৯ সালের ১৬ই ডিসেম্বর ঢাকায় বেতার স্বল্পপরিসরে যাত্রা শুরু করে কালের বিবর্তনে গুণে মানে কলেবরে বহুধা বিস্তৃত হয়ে বর্তমান অবস্থায় পৌঁছেছে। বাংলাদেশ বেতার দেশের প্রাচীনতম এবং একক বৃহত্তম পাবলিক সার্ভিস ব্রডকাস্টার হিসেবে বিগত প্রায় সাত দশক ধরে তথ্য, বিনোদন ও শিক্ষা উন্নয়নের পাশাপাশি জনসচেতনতা বৃদ্ধি এবং সর্বোপরি জাতীয় উন্নয়নে সর্বস্তরের জনগণকে সম্পৃক্ত করার গুরুত্বপূর্ণ দায়িত্ব পালন করে আসছে। অবাধ তথ্য প্রবাহের যুগে বহুমাত্রিক উপযোগিতার দাবী মেটাতে দেশে ব্যক্তি মালিকানায বাণিজ্যিক এফএম বেতার কেন্দ্র চালু রয়েছে। প্রধানতঃ নগরকেন্দ্রিক এ সকল চ্যানেল বিনোদন অনুষ্ঠান সম্প্রচার করে থাকে। এরই ধারাবাহিকতায় ২০০৮ সালের নীতিমালার আওতায় বাংলাদেশে সমাজের তৃণমূল পর্যায়ের বিভিন্ন সম্প্রদায় ও জনগোষ্ঠির জন্য নিবেদিত বেশ কিছু বেতার কেন্দ্র গড়ে ওঠেছে। কমিউনিটি রেডিও হিসাবে পরিচিত এ সকল বেতার কেন্দ্র প্রান্তিক জনগোষ্ঠির মুখের ভাষায় তাঁদের অংশগ্রহণ ও ব্যবস্থাপনায় পরিচালিত হচ্ছে। এর সুফল হিসাবে এগুলো তাদের আশা-আকাঙ্ক্ষা, স্থানীয় লোকজ জ্ঞান, সম্পদ ও সংস্কৃতি, আধুনিক জ্ঞান ও প্রযুক্তির সমন্বয় ঘটিয়ে উন্নতর সমাজ বিনির্মাণে অবদান রাখছে। সমাজ উন্নয়নের হাতিয়ার হিসাবে কমিউনিটি রেডিও-এর অবদান আরও প্রসারিত ও সুগম করার লক্ষ্যে এর স্থাপন, পরিচালনা ও সম্প্রচার কার্যক্রমের বর্তমান নীতিমালাটি বাতিলপূর্বক যুগোপযোগী একটি নতুন নীতিমালা প্রণয়নের আবশ্যিকতা দেখা দেওয়ায় এই নতুন নীতিমালা জারি করা হলো।

১.০ কমিউনিটি রেডিও'র ধারণা :

- ১.১ কমিউনিটি' হচ্ছে একটি নির্দিষ্ট জনগোষ্ঠি যার অন্তর্ভুক্ত ব্যক্তিবর্গ সমধর্মী কিছু লোকজ, আর্থ-সামাজিক ও সাংস্কৃতিক বৈশিষ্ট্যের অধিকারী যারা সুনির্দিষ্ট ভৌগোলিক অবস্থান যেমন কোনো বিশেষ শহর, গ্রাম কিংবা মহল্লার মধ্যে থেকে পারস্পরিক আদান-প্রদানে অংশগ্রহণ করে ব্যবসা-বাণিজ্য, বিপণন, সেবা ও মালামাল লেনদেনের মাধ্যমে একই অর্থনৈতিক ও সামাজিক জীবনের অভিন্ন অংশীদার হয়ে থাকে।
- ১.২ 'কমিউনিটি রেডিও' হচ্ছে একটি কল্যাণমূলক সম্প্রচার মাধ্যম যার মালিকানা, ব্যবস্থাপনা ও পরিচালনায় থাকে তৃণমূল পর্যায়ের জনগোষ্ঠি। এটি মূলত অলাভজনক ভিত্তিতে পরিচালিত হয়। এর উদ্দেশ্য হচ্ছে কমিউনিটিকে সেবা প্রদান করা এবং স্থানীয় লোকজ, আর্থ-সামাজিক ও সাংস্কৃতিক জীবন-বিকাশের সুযোগ তৈরি করে দেওয়া। কমিউনিটি রেডিও কোন নির্দিষ্ট ক্ষুদ্র ভৌগোলিক এলাকার জনগোষ্ঠির প্রত্যক্ষ অংশগ্রহণের মাধ্যমে কাজ করে। এটি কমিউনিটির নিজস্ব সম্পদ যা একটি জনপদের নিজস্ব ধ্যান-ধারণা, বিচার-বিবেচনা ও চিন্তা-চেতনার যথাযথ প্রতিফলন ঘটায়।
- ১.৩ কমিউনিটি রেডিও এমন একটি মাধ্যম যা তৃণমূল পর্যায়ের মানুষের আত্মপ্রকাশ ও বিকাশের ক্ষেত্র প্রস্তুত করে, প্রান্তিক মানুষের প্রকাশ বাহন এবং তাদের যোগাযোগের মূল মাধ্যম হিসাবে কাজ করে। সর্বোপরি এটি সমাজের গণতান্ত্রিক প্রক্রিয়াকে জোরদার করে।
- ১.৪ কমিউনিটি রেডিও সরকারি ব্যবস্থাপনা এবং বাণিজ্যিক ভিত্তিতে পরিচালিত বেতার সম্প্রচারের বাইরে তৃতীয় মডেল হিসাবে পরিচিত।

অপর পৃঃ দ্রঃ

২.০ কমিউনিটি রেডিও'র মৌলিক নীতিসমূহ:

আন্তর্জাতিকভাবে স্বীকৃত ও গ্রহণযোগ্য কমিউনিটি রেডিও'র মূলনীতিগুলো বাংলাদেশেও অনুসৃত হবে। কোনো সংস্থা বা প্রতিষ্ঠান যদি কমিউনিটি রেডিও পরিচালনা করতে চায় তাহলে সে সংস্থা বা প্রতিষ্ঠানকে নিম্নবর্ণিত শর্তসমূহ প্রতিপালন করতে হবেঃ-

- ২.১ কমিউনিটি রেডিও অলাভজনক ভিত্তিতে কোন সংস্থা, প্রতিষ্ঠান বা গোষ্ঠী কর্তৃক পরিচালিত হবে;
- ২.২ সম্প্রচার অনুষ্ঠানসূচিতে শিক্ষা, কৃষি, স্বাস্থ্য ও সমাজ, নারীর গ্রামীণ ও এলাকাভিত্তিক উন্নয়ন, পরিবেশ, আবহাওয়া, জলবায়ু পরিবর্তন ও দুর্যোগ ব্যবস্থাপনা, সাংস্কৃতিক ও অন্যান্য উন্নয়ন বিষয় এবং সন্ত্রাস, জঙ্গীবাদ ও মাদক বিরোধী প্রচারণা অন্তর্ভুক্ত হবে;
- ২.৩ কমিউনিটি রেডিও স্টেশনসমূহ উদ্দিষ্ট জনগোষ্ঠির সেবা প্রদান ও তাদেরকে বেতার অনুষ্ঠান সম্প্রচারে অন্তর্ভুক্তিকরণে বদ্ধপরিকর থাকবে;
- ২.৪ স্থানীয় জনগোষ্ঠির অংশগ্রহণে সম্প্রচার কার্যক্রম পরিচালিত হবে;
- ২.৫ মূল খারার গণমাধ্যমে সুযোগ-সুবিধা বঞ্চিত জনগোষ্ঠি কমিউনিটি রেডিও স্থাপনের ক্ষেত্রে অগ্রাধিকার পাবে;
- ২.৬ প্রান্তিক এবং সমাজের পিছিয়ে পড়া জনগোষ্ঠির উন্নয়ন কাজে নিয়োজিত প্রতিষ্ঠান বা সংস্থা কমিউনিটি রেডিও স্থাপনে অগ্রাধিকার পাবে;

৩.০ বাংলাদেশে কমিউনিটি রেডিও স্থাপন ও পরিচালনার অনুমতি/লাইসেন্স প্রাপ্তির জন্য প্রয়োজনীয় যোগ্যতা:

- ৩.১ কমিউনিটি রেডিও স্টেশন স্থাপন ও পরিচালনার ক্ষেত্রে নিয়োক্ত সংস্থা বা প্রতিষ্ঠানসমূহ আবেদন করার যোগ্য হবে বলে বিবেচিত হবেঃ
 - ৩.১.১ গবেষণা ও উন্নয়ন এবং উপযুক্ত কর্তৃপক্ষ কর্তৃক অনুমোদিত শিক্ষা ও প্রশিক্ষণ কার্যক্রম পরিচালনাকারী প্রতিষ্ঠান;
 - ৩.১.২ বেসরকারি উন্নয়ন সংস্থা বা প্রতিষ্ঠানসমূহ যাদের সংশ্লিষ্ট কমিউনিটি পর্যায়ে দারিদ্র বিমোচন/গণমাধ্যম/তথ্য প্রযুক্তি সম্পর্কিত এবং উন্নয়নমূলক কাজের ন্যূনতম পাঁচ বছরের অভিজ্ঞতা আছে;
 - ৩.১.৩ আবেদনকারী প্রতিষ্ঠান বা সংস্থার আইনগত বৈধতা থাকতে হবে কিংবা এনজিও বিষয়ক ব্যুরো কর্তৃক নিবন্ধিত হতে হবে;
 - ৩.১.৪ সংশ্লিষ্ট প্রতিষ্ঠান/সংস্থার কমিউনিটি বা প্রান্তিক জনগোষ্ঠির ধ্যান ধারণা সমৃদ্ধ একটি পরিচালনা পর্যদ থাকতে হবে যা একটি গঠনতন্ত্রের আওতায় পরিচালিত হবে।



৩.২ নিম্নলিখিত সংস্থা বা প্রতিষ্ঠান কমিউনিটি রেডিও পরিচালনার জন্য অযোগ্য বলে বিবেচিত হবে :

- ৩.২.১ ব্যক্তিগত বা যৌথভাবে পরিচালিত ব্যবসা প্রতিষ্ঠান;
- ৩.২.২ রাজনৈতিক দল বা তাদের অংগ ও সহযোগী সংগঠন ইত্যাদি;
- ৩.২.৩ দেশি-বিদেশি কোম্পানি বা প্রতিষ্ঠানসমূহ যারা মালিক বা শেয়ার হোল্ডারকে লভ্যাংশ প্রদান করে থাকে;
- ৩.২.৪ আন্তর্জাতিক/বিদেশী বেসরকারি সংস্থা বা বিদেশী সম্প্রচার সংস্থা/চ্যানেল; এবং
- ৩.২.৫ সরকার কর্তৃক নিষিদ্ধ ঘোষিত কোনো প্রতিষ্ঠান বা সংস্থা; এবং
- ৩.২.৬ উপযুক্ত আদালত কর্তৃক দেউলিয়া ঘোষিত বা ফৌজদারি অপরাধে দন্ডিত কোন প্রতিষ্ঠান বা সংস্থা।

৪.০ লাইসেন্সিং প্রক্রিয়া:

- ৪.১ কমিউনিটি রেডিও স্টেশন স্থাপনের ক্ষেত্রে নিম্নোক্ত প্রক্রিয়া অনুসৃত হবে ;
 - ৪.১.১ সরকার জনস্বার্থে কমিউনিটি রেডিও স্টেশন স্থাপনে আগ্রহী যোগ্য প্রতিষ্ঠান বা সংস্থার নিকট হতে এ সংক্রান্ত অনুমোদন ও লাইসেন্স প্রদানের উদ্দেশ্যে নির্ধারিত ছকে আবেদন আহবান করবে;
 - ৪.১.২ আবেদনপত্রে বর্ণিত দলিলাদি ছাড়াও নিম্নবর্ণিত দলিলাদি আবেদনপত্রের সাথে সংযুক্ত করতে হবে-
 - (ক) আবেদনকারী যে ধরনের অনুষ্ঠান প্রচার করতে ইচ্ছুক তার একটি সংক্ষিপ্ত রূপরেখা;
 - (খ) উদ্দিষ্ট জনগোষ্ঠীর বিবরণ;
 - (গ) প্রস্তাবিত রেডিও স্টেশনের অবৈতনিক ব্যবস্থাপনা কাঠামো এবং অনুষ্ঠান নির্মাণ ও সম্প্রচার নীতিমালা যাতে স্থানীয় জনগোষ্ঠীর অংশগ্রহণের মাত্রার বিষয়টি স্পষ্টভাবে উল্লেখ থাকবে;
 - (ঘ) কমিউনিটি রেডিও স্টেশন স্থাপনের তহবিলের উৎস। কোন বেসরকারি সংস্থার সাহায্য নেয়া হলে বা বেসরকারি সংস্থা নিজে উদ্যোক্ত হলে বিদ্যমান আইন অনুযায়ী এনজিও বিষয়ক ব্যুরো থেকে প্রয়োজনীয় অনুমোদন গ্রহণের প্রমাণপত্র।
 - ৪.১.৩ গৃহীত আবেদনপত্রসমূহ যাচাই বাছাই পূর্বক যোগ্য আবেদনকারী নির্বাচনের জন্য তথ্য মন্ত্রণালয় একটি রেগুলেটরি কমিটি ও একটি কারিগরি উপ-কমিটি গঠন করবে;
 - ৪.১.৪ কারিগরি উপ-কমিটি প্রাপ্ত আবেদনপত্রসমূহ যাচাই-বাছাই করে যোগ্য আবেদনকারী নির্বাচন করে জাতীয় রেগুলেটরি কমিটির নিকট সুপারিশসহ পেশ করবে;
 - ৪.১.৫ তথ্য মন্ত্রণালয় নির্বাচিত আবেদনকারী প্রতিষ্ঠান বা সংস্থা সমূহের ব্যাপারে স্বরাষ্ট্র মন্ত্রণালয়ের নিরাপত্তা ছাড়পত্র গ্রহণ করবে ;
 - ৪.১.৬ অনুমোদন প্রদানের পূর্বে তথ্য মন্ত্রণালয় বাংলাদেশ টেলিকমিউনিকেশন রেগুলেটরি কমিশন(বিটিআরসি) থেকে 'ফ্রিকোয়েন্সি প্রাপ্যতার' -এর প্রতিবেদন গ্রহণ করবে। এছাড়া লাইসেন্সপ্রাপ্ত প্রতিষ্ঠান বা সংস্থাকে সম্প্রচার কার্যক্রম আরম্ভ করার জন্য বিটিআরসি থেকে ফ্রিকোয়েন্সি (তরঙ্গ) বরাদ্দ ও বেতার যন্ত্রপাতি পরিচালনার লাইসেন্স নিতে হবে।
 - ৪.১.৭ উল্লিখিত নির্ণায়ক সমূহের আলোকে যোগ্য হিসাবে বিবেচিত আবেদনকারীকে প্রাথমিক পর্যায়ে কেবলমাত্র একটি কমিউনিটি রেডিও স্টেশন স্থাপনের জন্য সরকার সাময়িক লাইসেন্স প্রদান করবে;

- ৪.১.৮ সাময়িক লাইসেন্স প্রাপ্তির এক বছরের মধ্যে কমিউনিটি রেডিও স্টেশন স্থাপনের কাজ সম্পন্ন করতে হবে। অন্যথায় প্রদত্ত লাইসেন্স বাতিলযোগ্য বলে গণ্য হবে। তবে সংশ্লিষ্ট প্রতিষ্ঠান বা সংস্থার আবেদনক্রমে সরকার যুক্তিসংগত মনে করলে এ সময়সীমা বৃদ্ধি করতে পারবে;
- ৪.১.৯ কমিউনিটি রেডিও স্টেশন স্থাপনের লক্ষ্যে প্রয়োজনীয় যন্ত্রপাতি আমদানি ও প্রতিস্থাপনের জন্য দেশে প্রচলিত আইন ও বিধি-বিধান মেনে চলতে হবে। এছাড়া সংশ্লিষ্ট প্রতিষ্ঠান বা সংস্থাকে বিটিআরসি'র শর্তসমূহ প্রতিপালন করতে হবে;
- ৪.১.১০ উল্লিখিত মতে রেডিও স্টেশন স্থাপনের পরবর্তী ১ (এক) বছরের মধ্যে পরীক্ষামূলক সম্প্রচার কার্যক্রম চালু করতে হবে। ব্যর্থতায় সরকার জামানত বাজেয়াপ্তসহ লাইসেন্স বাতিলের প্রক্রিয়া শুরু করতে পারবে।
- ৪.১.১১ পরীক্ষামূলক সম্প্রচার কার্যক্রম পরিচালনার মেয়াদ হবে ১ (এক) বছর। উক্ত মেয়াদান্তে পরীক্ষামূলক সম্প্রচার কার্যক্রম সরকারের নিকট সন্তোষজনক প্রতীয়মান হলে নির্ধারিত শর্তসমূহ প্রতিপালনের শর্তে সংশ্লিষ্ট প্রতিষ্ঠানের আবেদনক্রমে চূড়ান্ত লাইসেন্স প্রদান করা হবে। নির্ধারিত ফি পরিশোধপূর্বক উহা বাৎসরিক ভিত্তিতে নবায়ন করা যাবে।
- ৪.১.১২ চূড়ান্ত লাইসেন্স প্রাপ্তির পর কোন প্রতিষ্ঠান বা সংস্থা সরকারের অনুমোদনক্রমে একই প্রক্রিয়া অনুসরণপূর্বক সর্বোচ্চ আরো দু'টি কমিউনিটি রেডিও স্টেশন স্থাপন ও পরিচালনা করতে পারবে। সেক্ষেত্রে ভৌগোলিক কভারেজ বিবেচনা করা হবে।
- ৪.১.১৩ কোন কমিউনিটি রেডিও চূড়ান্ত লাইসেন্স প্রাপ্তি ও সন্তোষজনক সম্প্রচার কার্যক্রম পরিচালনার পর সরকারের পূর্বানুমোদন এবং এতদ সংশ্লিষ্ট আইন ও বিধি-বিধানের শর্ত সাপেক্ষে একই অনুষ্ঠানমালা অনলাইনে সম্প্রচার করতে পারবে।

৪.২ লাইসেন্স ফি ও জামানত :

কমিউনিটি রেডিও একটি উন্নয়নমূলক প্রয়াস এবং একটি অলাভজনক প্রতিষ্ঠান বিবেচনায় সরকার নিম্নরূপ যুক্তিযুক্ত লাইসেন্স ফি ধার্য করছে-

- ৪.২.১ সাময়িক লাইসেন্স গ্রহণকালে অনুমোদনপ্রাপ্ত প্রতিষ্ঠানকে জামানত বাবদ ১,০০,০০০/- (এক লক্ষ টাকা) এবং কমিউনিটি রেডিও স্টেশনের জন্য লাইসেন্স ফি বাবদ ২০,০০০/- (বিশ হাজার টাকা) পরিশোধ করতে হবে।
- ৪.২.২ পরীক্ষামূলক সম্প্রচার কার্যক্রমের পর চূড়ান্ত লাইসেন্স গ্রহণকালে লাইসেন্স ফি বাবদ ১০,০০০/- (দশ হাজার টাকা) পরিশোধ করতে হবে।
- ৪.২.৩ ফ্রিকোয়েন্সি ফি বাংলাদেশ টেলিযোগাযোগ নিয়ন্ত্রণ কমিশন(বিটিআরসি) কর্তৃক নির্ধারিত হবে।
- ৪.২.৪ সরকার উক্ত জামানত ও ফি পুনঃ নির্ধারণ করতে পারবে।

৪.৩ লাইসেন্স নবায়ন:

- ৪.৩.১ প্রতি অর্থবছরের জন্য লাইসেন্স নবায়ন ফি ১০,০০০/- (দশ হাজার টাকা);
- ৪.৩.২ অর্থবছর শেষ হওয়ার ৩০(ত্রিশ) দিন পূর্বে নবায়নের জন্য আবেদন করতে হবে এবং কোন কারণে নির্দিষ্ট সময়ের মধ্যে আবেদন করতে ব্যর্থ হলে ৩,০০০/- (তিন হাজার) টাকা সারচার্জ পরিশোধ করে পরবর্তী অর্থবছরের ৩০ সেপ্টেম্বরের মধ্যে লাইসেন্স নবায়ন করতে হবে। সরকার প্রয়োজনে এ সারচার্জ পুনঃনির্ধারণ করতে পারবে;
- ৪.৩.৩ সরকার উক্ত নবায়ন ফি ও সারচার্জ পুনঃনির্ধারণ করতে পারবে;

অপর পৃঃ দ্রঃ

